

perador, et l'imperador li ha mandato a dir che'l vegna a Piasenza. Di le cose de Pavia se intende che inimici haveano batuto un pezo di muraia et datoli uno asalto et sono stà rebatudi con occision de molti dei soi. Il conte di Caiazo fu preso et poi liberato da alcuni banditi che amozono Rizin de Asola, et è ritornato a Brexa a salvamento; *tamen* questi avisi fo tutti falsi.

21') *Adì 3 domenega.* Heri, di peste, non fo alcuno, et 11 di altro mal morse.

Di Trani, fo lettere di sier Almorò Morexini capitano al Golfo et sier Piero Maria Michiel proveditor executor, di settembre. Scriveno la gran inimicitia è tra il signor Camilo Ursino governador et domino Zuan Vituri proveditor zeneral, *adeo* non stanno ben insieme, però che sono venuti a parole insieme, intervenendo

Vene l'orator del duca di Milan et ave audientia con li Cai di X. Et disse haver lettere del suo duca zerca quello vol far l'imperador mediante il papa, et lui come bon fiol non vol far cosa senza conseio di la Signoria, suplicandola li avisi etc. Il Serenissimo li disse se conseiera fra li Savii et col Senato et se li responderia.

Vene l'orator del duca di Ferrara, et comunicò avisi hauti dal suo Signor: come havendo il papa voluto mutar governo in Siena et far intrar Fabio Petruzi, la terra si levò in arme et non l'hano voluto, et hanno mandato ambascadori a l'imperador a dolersi di queste novità.

Da poi disnar fo gran Conseio per balotar li procuratori, le voxe del Conseio, di la Zonta, do che mancò, è quelle di venere, et far hozi eletion. Vene il Serenissimo ma non vene alcun procurator a Conseio. Fossemo

1276

Procuratori di la chiesa di San Marco.

- † Sier Lunardo Mocenigo fo del Serenissimo.
- Sier Vetur Grimani fo di sier Hironimo fo del Serenissimo.
- Sier Andrea Lion qu. sier Alvise.
- † Sier Lorenzo Loredan fo del Serenissimo.
- Sier Francesco di Prioli qu. sier Zuan Francesco.
- Sier Alvise Pasqualigo qu. sier Filippo.
- Sier Zuan Pisani qu. sier Alvise procurator.

(4) La carta 20* è bianca.

I Diarii di M. SANUTO. — Tom. LII.

- Sier Antonio Capello qu. sier Batista.
- † Sier Jacomo Soranzo qu. sier Francesco.

Procuratori de Citra, solo uno passoe.

- Sier Lorenzo Zustignan qu. sier Antonio.
- Sier Vincenzo Grimani di sier Francesco.
- Sier Antonio Mocenigo di sier Alvise el cavalier.
- Sier Marco da Molin qu. sier Alvise procurator.
- Sier Andrea Zustignan qu. sier Unfrè.
- Sier Hironimo Zen qu. sier Simon.
- Sier Antonio di Prioli *dal Banco* qu. sier Marco.
- Sier Francesco Mocenigo qu. sier Piero.
- Sier Andrea Gussoni qu. sier Nicolò.
- Sier Gasparo da Molin di sier Tomà.
- † Sier Luca Trun qu. sier Antonio.

21*

Procuratori de ultra.

- † Sier Polo Capelo el cavalier, qu. sier Vetur.
- † Sier Hironimo Zustignan qu. sier Antonio.
- † Sier Domenego Trivixan el cavalier, qu. sier Zacaria.
- Sier Carlo Morexini qu. sier Batista.
- Sier Piero Marzello qu. sier Alvise.
- Sier Lorenzo Pasqualigo qu. sier Filippo.

Et da poi fo balotato tutte le voxe, sichè resta il dì di la Zonta come quello di venere et hozi, et sier Zuan Alberto fo a la iustitia vechia qu. sier Nicolò rimase a la Taola di l'intrada et *etiam* camerlengo a Verona, per che refudò intrar a la Tavola.

Da Vicenza, fo lettere di sier Marco Antonio Donado podestà, sier Marco Antonio Barbarigo capitano, sier Francesco Pasqualigo proveditor zeneral, di heri sera. Mandano la copia di una lettera hauta di Trento di uno visentin, qual si trova a Viena, et è de 18 settembre. Scrive a sua madre, sta a Trento, come il Turco, molto potente di persone 300 milia, qual ha auto l'Hongaria, taiato a pezi assà persone et brusato, se ritrova 5 mia luntan di Viena ch'è mia 25 italiani. In Viena, è *solum* 10 milia fanti di guerra, sichè si sta con gran pericolo, et li scrive che la prega Dio per lui et per suo fradelo etc.

Adì 4. Fo San Francesco. La terra, heri, di 22 peste, uno, loco novo, et 14 di altro mal.

Di Brexa, fo lettere del proveditor zeneral Nani, di Come il duca di Urbin pareva li fosse venuto la febre, qual il medico Augubio dice saria quartana. Inimici sono levati da Lonà et ve-